

文體明辯

四十二


78
8
函架

東 京 圖 書 館			
漢書門	文章類	別架	函架
三	二	五	八
冊	號	架	函

漢 書 門			
類	號	函	架
三	二	四	六
九	八	一	七
冊	架	函	號

內 閣 文 庫			
漢書	六二二	七二二	三三三
類	號	冊	函
三	九	八	三
架	冊	號	函

內 閣 文 庫			
番號	漢	6122	
冊數	78(45)		
函號	362	30	





文體明辯卷之四十二

大明吳江徐師曾伯魯纂

說

按字書說解也述也解釋義理而以已意述之也說之名起於說卦漢許慎作說文亦祖其名以命篇而魏晉以來作者絕少獨曹植集中有二首而文選不載故其體闕焉要之傳於經義而更出已見縱橫抑揚以詳贍為上而已與論無大異也今取名家數篇以備一體此外又有名說字說其名雖同而所施則異故別為一類

文體明辯卷之四十二

不復附於此云

性說

宋王安石

孔子曰性相近也習相遠也吾是以與孔子也韓
子愈之言性也吾不有取焉然則孔子所謂中人
以上可以語上中人以下不可以語上惟上智與
下愚不移何說也曰習於善而已矣所謂上智者
屬上習於惡而已矣所謂下愚者一習於善一習
於惡所謂中人者上智也下愚也中人也其卒也
命之而已矣有久於此未始為不善也謂之上智
可也其卒也去而為不善然後謂之中人可也有

久於此未始為善也謂之下愚可也其卒也去而
為善然後謂之中人可也惟其不移然後謂之上
智惟其不移然後謂之下愚皆於其卒也命之名之
夫非生而不可移也且韓子之言弗顧矣曰性之
品三而其所以為性五夫仁義禮智信孰而可謂
不善也又曰上焉者之於五主於一而行之四下
焉者之於五反於一而恃於四是其於性也不一
失焉而後謂之上焉者不一得焉而後謂之下焉
者是果性善而不善者習也然則堯之朱舜之均
瞽瞍之舜鯀之禹后稷越椒叔魚之事後所引者

皆不可信邪曰堯之朱舜之均固吾所謂習於惡而已者瞽瞍之舜鯀之禹固吾所謂習於善而已者后稷之詩以異云而吾之所論者常也詩之言至以為人子而無父人子而無父猶可以推其質常乎夫言性亦常而已矣無以常乎則狂者蹈火而入河亦可以為性也越椒叔魚之事徒聞之左丘明丘明固不可信也以言取久孔子失之宰我以貌失之子羽此兩人者其成人也孔子朝夕與之居以言貌取之而失彼其始生也婦人者以聲與貌定而卒得之婦人者獨有過孔子者邪

師說

唐韓愈

古之學者必有師師者所以傳道受業解惑也人非生而知之者孰能無惑惑而不從師其為惑也終不解矣生乎吾前其聞道也固先乎吾吾從而師之生乎吾後其聞道也亦先乎吾吾從而師之吾師道也夫庸知其年之先後生於吾乎是故無貴無賤無長無少道之所存師之所存也嗟乎師道之不傳也久矣欲人之無惑也難矣古之聖人其出人也遠矣猶且從師而問焉今之眾人其下聖人也亦遠矣而恥學於師是故聖益聖愚益愚

聖人之所以為聖，愚人之所以為愚，其皆出於此乎。一作愛其子擇師而教之於其身也則恥師焉惑矣彼童子之師授之書而習其句讀者也。吾所謂傳其道解其惑者也。句讀之不知，惑之不解，或師焉或不焉。小學而大遺，吾未見其明也。巫醫樂師百士之人，不恥相師。士大夫之族，曰師曰弟子云者，則羣聚而笑之。問之則曰：彼與彼年相若也，道相似也。位卑則足羞，官盛則近諛。嗚呼！師道之不復可知矣。巫醫樂師百士之人，君子不齒，鄙之作今其智乃反不能及其其字無可恠

也歟。聖人無常師。孔子師郯子、苴長弘、師襄、老聃。郯子之徒，其賢不及孔子。孔子曰：三人行則必有我師。是是字無故弟子不必不如師，師不必賢於弟子。聞道有先後，術業有專攻，如是而已。李氏子蟠，年十七，好古文，六藝經傳皆通習之，不拘於時。一有請字學於余，余嘉其能行古道，作師說以貽之。以上理學

雜說三首

唐韓愈

龍一有字有嘘氣成雲，雲固弗靈於龍也。然龍乘是氣，而字茫洋窮乎玄間，薄日月，伏光景，感震電，神寰

文選月辭卷之三

化水下土汨陵谷雲亦靈性矣哉雲龍之所能使
為靈也若龍之靈則非雲之所能使為靈也然龍
弗得雲無以神其靈矣失其所憑依信不可效異
哉其所憑依乃其所自為也易曰雲從龍既曰龍
雲從之矣宋謝枋得曰此篇以龍喻聖君雲喻賢
臣謂聖君以爵祿與賢臣然後賢臣有
以成事業賢臣之賢固不及聖君之聖也然聖君
任賢臣乃能寔通神明而成天下之治則賢臣之
才亦奇矣夫賢臣必因聖君能用之而後見其為
賢若聖君之聖則非人臣所能使之為聖也然聖
君不得賢臣亦無以顯其聖信不可失其所憑依
矣然聖君之所自為也故引易文言而釋之以為既
聖君在上則賢臣必起而從之矣愚按此說不過
百餘字而意凡五韓使起而從之矣愚按此說不過
知其簡短若是悲韓公不能作也

世有伯樂騶然後有千里馬千里馬常有而伯樂
不常有故雖有名馬祗辱於奴隸入之手無之手駢
死於槽櫪之間不以千里稱也馬之千里者一食
或盡粟一石之食馬者不知其能千里而食
疑脫是馬也也雖有千里之能食不飽力不
足才美不外見且也欲與常馬等也當在此
不可得安能求其千里也策之不以其道食之不
能盡其材鳴之而不能通其意執策而臨之曰天
下無也馬鳴呼其真無也馬邪其真不知也
識馬也也豪傑必遇也知已者也尊也之以高爵也食之也以厚

文選月評卷四上
元
五

可任之以重權其才斯
善醫者不視人之瘠肥察其脉之病否而已
矣善計天下者不視天下之安危察其紀綱之無
字理亂而已矣天下者人也安危者肥瘠也
紀綱綱者脉也脉不病雖瘠不害脉病而肥者
死矣通於此說者其知所以為天下乎夏殷周之
衰也諸侯作而戰伐日行矣傳數十王而天
下不傾者紀綱存焉耳秦之王天下也無分勢於
諸侯聚兵而焚之傳二世而天下傾者紀綱
亡焉耳是故四支雖無故不足恃也脉而已矣四

海一作雖無事不足矜也紀綱而已矣憂其所可
恃懼其所可矜善醫善計者謂之天無扶與之疑有誤字易曰視履考祥善醫善計者為之

捕蛇者說

唐柳宗元

永州之野產異蛇黑質而白章觸草木盡死以
醫人無禦之者然得而腊之以為餌可以已木風
孿腕音宛脚癩音漏腫癘去死肌殺三蟲其始太醫以
王命聚之歲賦其二募有能捕之者當其租入永
之人爭奔走焉有蔣氏者專其利三世矣問之則
曰吾祖死於是吾父死於是今吾嗣為之十二年

幾死者數矣。言之貌若甚感者。余悲之。且曰。若毒
之乎。余將告于蒞事者。更若役復若賦。則何如。將
氏大戚。汪然出涕曰。君將哀而生之乎。則吾斯役
之不幸。未若復吾賦。不孝之甚也。嚮吾不為斯役
則久已病矣。自吾氏三世居是鄉。積於今六十歲
矣。而鄉鄰之生。日蹙殫。其地之出。竭其廬之入。號
呼而轉徙。饑渴而頓踣。僵也。觸風雨。犯寒暑。呼噓
毒癘。往往而死者相藉也。曩與吾祖居者。今其室
十無一焉。與吾父居者。今其室十無二三焉。與吾
居十二年者。今其室十無四五焉。非死而徙。爾而

吾以捕蛇獨存。悍吏之來吾鄉。叫囂乎東西。隳突
乎南北。諱然而駭者。雖雞狗不得寧焉。吾恂恂而
起視其出。而吾蛇尚存。則弛然而卧。謹食之時而
獻焉。退而甘食其土之有。以盡吾齒。蓋一歲之犯
死者二焉。其餘則熙熙而樂。豈若吾鄉鄰之旦旦
有是哉。今雖死。于乎。作此比吾鄉鄰之死。則已後
矣。又安敢毒邪。余聞而愈悲。孔子曰。苛政猛於虎
也。吾嘗疑乎是。今以蔣氏觀之。猶信嗚呼。孰知賦
斂之毒。有甚於是蛇者乎。故為之說。以俟夫觀人風

文豐月詳卷四十一
治

祀朝日說

唐柳宗元

柳子為御史主祀事將朝朝音日其僚問曰古之名朝朝音日而已今而曰祀朝朝音日何也余曰古之記者則朝朝音拜之云也今而加祀焉者則朝朝音如旦之云也今之所云非也問者曰以夕而偶諸朝朝音或者今之是乎余曰夕之名則朝朝音拜之偶也古者且見曰朝朝音暮見曰夕故詩曰邦君諸侯莫肯朝朝音夕夕音左氏傳曰百官承事朝朝音而夕夕音禮記曰日入而夕又曰朝朝音不廢朝朝音暮不廢夕夕音晉侯將殺豎襄叔向夕楚子之留乾谿右尹子革夕齊之

亂子我夕趙文子襲其椽張老夕智襄子為室美士出夕皆暮見也漢儀夕則兩郎向瑣闈拜謂之夕郎亦出是名也故曰大采朝朝音日小采夕月又曰春朝朝音朝朝音日秋夕夕月若是其類類音無其足矣又加祀焉蓋不學者為之也僚曰欲子之書其說吾將施于世可乎余從之

借音作祭名索也歲十二月說

唐柳宗元

柳子為御史主祀事將借進有司以問借之說則曰合百神於南郊以為歲報者也先有事必質于

戶部戶部之詞曰旱于其水于其蟲蝗于其癘疫
于其則黜其方守之神不及以祭余嘗學禮蓋思
而得之則曰順成之方其措乃通若是古矣繼而
歎曰神之貌乎吾不可得而見也祭之饗乎吾不
可得而知也是其誕漫愾怳貌冥冥焉不可執取
者夫聖人爲心也必有道而已矣非于神也蓋于
久也以其誕漫愾怳冥冥焉不可執取而猶誅削
若此况其貌言動作之塊然者乎是設乎彼而戒
乎此者也其旨大矣或曰若子之言則旱乎水乎
蟲蝗乎癘疫乎未有黜其吏者而神黜焉而曰蓋

于人者何也予曰若子之云旱乎水乎蟲蝗乎癘
疫乎豈人之爲邪故其黜在神暴乎耗乎吝貪乎
罷弱乎非神之爲邪故其罰在久今夫在人之道
則吾不知也不明斯之道而存乎古之數其名則
存其教之實則隱以爲非聖人之意故歎而云也
曰然則致雨反風金勝用公居東天大雷電以風
蝗不爲災虎負子而趨東漢劉昆爲弘農守嶠電
負子渡河宋均爲九江守郡多虎均下令去其陷
奔後傳虎相與渡河又山陽楚沛多蝗其飛至水
乃界者輒去是非人之爲則何以余曰子欲知其以
乎所謂偶然者信矣必若人之爲則十年九潦八

年七旱者獨何如人哉其黜之也苟明乎教之道
雖去古之數可矣反是則誕漫之說勝而名實之
事喪亦足悲乎以上祭義

不鬪骸音獨說

魏曹植

曹子遊乎陂塘之濱步乎秦穢之藪蕭條潛虛經
幽踐阻顧見鬪骸塊然獨居於是伏軾而問之曰
子將結纓首劔殉國君乎將被堅執銳斃三軍乎
將嬰兹固通疾命隕傾乎將壽終數極歸幽冥乎
即遺骸而嘆息哀白骨之無靈慕嚴魏漢明帝諱
周之適楚儻託夢以通情於是怍若有來悅若有

存影見容隱厲聲而言體說曰子何國之君子乎

既枉輿駕閔其枯朽不惜咳唾之音而慰以若言
子則辯於辭矣然未達幽冥之情死生之說也夫
死之為言歸也歸也者歸於道也道也者身以無
形為主故能與化推移陰陽不能更四時不能虧
是故洞於纖微之域通於恍惚之庭望之不見其
象聽之不聞其聲托之不充注之不盈吹之不凋
噓之不榮激之不流疑之不停寥落冥漠與道相
拘偃然長寢樂莫是踰曹子曰子將請之上帝求
諸神靈使司命輟籍反子骸形於是鬪骸長呻廓

文曹子游

九

一

然歎曰甚矣何子之難語也。太素氏不仁勞我以形苦我以生今也幸寔而之死是反吾真也。何子之好勞而我之好逸乎。予將歸於太虛於是言卒。響絕絕響作神光霧除。顧將旋軫乃命僕夫拂以玄塵覆以縞巾。爰將藏彼路濱覆以丹土翳以綠榛。夫存亡之異世乃宣尼之所陳何神憑之虛對云。死生之必均樂篇云莊子之楚見空罽驍然有。形檄以馬極因而問之曰夫子貪生失理而為此乎。將子有不善之行愧遺父母妻子之醜而為此乎。將子有東餒之患而為此乎。將子之春秋故及此乎。語卒。援罽體枕而夜半罽體見夢曰子之談者似辯。士諸子所言皆生人之累也。死則無此矣。子欲聞。

死之說乎。莊子曰然。罽體曰死無若於上無臣於下亦無四時之事。從然以天地為春秋。雖南面王樂不能過也。莊子不信曰吾使司命復生子。形為子骨肉肌膚反。子父母妻子間里。知識子欲之乎。罽體深贖感頌曰吾安能棄南面王樂而復為人。間之勞乎。莊周之立論如此。要歸於齊一。死生而此篇推演其說。要亦無足取者。然其辭秀麗超越。末復歸之於正。而不弱於荒唐之言。則植之見誠。有大過人者矣。且自漢魏以來。作說者。獨植集。中有說二首。而藉由之辭。復不逮是。故今獨取此。篇使學者知唐以前之說。其體有如此云。古死生原。

按字書云原者本也。謂推論其本原也。自唐韓愈作五原而後人因之。雖非古體。然其溯原於本始。致用於當今。則誠有不可少者。至其曲折。

抑揚亦與論說相為表裏無甚異也其題或曰
原其或曰其原亦無他義今取數首列于篇

原性性一作原

唐韓愈

性也者與生俱生也情也者接於物而生也性之
品有三而其所以為性者五情之品有三而其所以
以為情者七曰自字無何也曰性之品有上中下三
上焉者善焉而已矣中焉者可導而上下也下焉
者惡焉而已矣其所以為性者五曰仁曰禮曰信
曰義曰智上焉者之於五也主於一而行於一作
四中焉者之於五也一不少有焉則少反焉其於

四也混下焉者之於五也反於二而悖於四性之
於情視其品情之品有上中下三其所以為情者
七曰喜曰怒曰哀曰懼曰愛曰惡曰欲上焉者之
於七也動而處其中中焉者之於七也有所甚有
所亡亡然而求合其中者也下焉者之於七也亡與
甚直情而行者也情之於性視其品孟子之言性
曰人之性善荀子之言性曰人之性惡揚子之言
性曰人之性善惡混夫始善而進惡與始惡而進
善與始也混而今也善惡皆舉其中而遺其上下
者也得其一而失其二者也叔魚之生也其母視

孟子卷之四

之知其必以賄死國語叔魚生其母視之曰是虎
 必以賄死必以賄死楊食我叔魚食我之生也叔魚
 之毋聞其號也知必滅其宗左傳叔向之母視之及堂
 聞其聲而還曰是豺狼之聲也狼子越叔之生也
 野心非是莫喪羊舌氏矣至是果滅越叔之生也
 子文以為大無戚知若教氏之鬼不食也左傳
 馬子良生子越叔子文曰必殺之是子也熊虎之
 狀而豺狼之聲弗殺必滅若教氏矣子良不可子
 文以為大戚曰鬼猶求食人之性果善乎后稷之
 若教氏之鬼不其餒而生也其毋無災其始匍匐也則岐岐然嶷嶷然文
 王之在毋也毋不憂既生也傳不勤既學也師不
 頌人之性果惡乎堯之朱舜之均文王之管蔡習

非不善也而卒為姦警叟之舜之禹習非不惡
 也而卒為聖有人之性善惡果混乎故曰三子
 之言性也舉其中而遺其上下者也得其上而失
 其二者也曰然則性之上下者其無終不可移
 乎曰上之性就學而愈明下之性畏威而寡罪是
 故上者可教而下者可制也其品則孔子謂
 不移也曰今之言性者異於此何也曰今之言者
 雜佛老而言也雜佛老而言也無者奚言而不
 異朱熹曰孟子言人性善荀子言性惡揚子言善
 惡混公乃作原性取三者而析之以孔子之言
 又曰此篇之言過荀揚遠甚其言五性性善性惡但三
 品之說太拘又不知性之本善而其所以或善或

惡者由其稟氣之
不同為未善耳

原道

唐韓愈

博愛之謂仁行而宜之之謂義由是而之焉之謂
道足乎已無待於外之謂德仁與義為定名道與
德為虛位故道有君子有字小人而德有凶有吉
老子之小仁義非毀之也其見者小也坐井而觀
天曰天小者非天有字小也彼以煦煦為仁孺子
為義其小之也則宜其所謂道道其所道非吾所
謂道也其所謂德德其所德非吾所謂德也凡吾
所謂道德云者合仁與義言之也天下之公言有

者也老子之所謂道德云者去仁與義言之也下
人之私言者字也周道衰孔子沒火于秦黃無
老于漢佛于晉魏梁隋之間其言道德仁義者不
入于楊則入于墨有字不入于老則入
于佛入于彼有字必出于此入者主之出者奴之
入者附之出者汗之噫後之人其欲聞仁義道德
之說孰從而聽之老者曰孔子吾師之弟子也佛
者曰孔子吾師之弟子也為孔子者習聞其說樂
其誕而自小也亦曰吾師亦嘗有字云爾不唯
舉之於其口而又筆之於其書噫後之人雖欲聞

仁義道德之說其孰從而求之甚矣人之好恠也
不求其端不訊其末惟恠之欲聞古之爲民者四
今之爲民者六古之教者處其一今之教者處其
三農之家一而食粟之家六工之家一而用器之
家六賈之家一而資焉之家六奈之何民不窮且
盜也古之時人之害多矣有聖人者立然後教之
以相生養之道爲之君爲之師驅其蟲蛇禽獸而
處之中土寒然後爲之衣飢然後爲之食木處而
顛土處而病也然後爲之宮室爲之工以贍其器
用爲之賈以通其有無爲之醫藥以濟其天死爲

之葬埋祭祀以長其恩愛爲之禮以次其先後爲
之樂以宣其壹鬱爲之政以率其怠勸爲之刑以
鋤其強梗相欺也爲之符璽斗斛權衡以信之相
奪也爲之城郭甲兵以守之害至而爲之備患生
而爲之防今其言曰聖人不死大盜不止剖一作
斗折衡而民不爭嗚呼其亦不思而已矣如古之
無聖人人之類滅久矣何也無羽毛鱗介以居寒
熱也無爪牙以爭食也是故君者出令者也臣者
行君之令而致之民者也民者出粟米麻絲一作
並同一作作器皿通貨財以事其上者也君不出令則

失其所以為君臣不能_有行君之令而致之民_無
 而致之民_{四字}有_則民不出粟米麻絲作_器皿
 失其所以為臣_{七字}
 通貨財以事其上則誅_{今其法曰必棄而君臣去}
 而父子禁而相生養之道以求其所謂清淨寂滅
 者嗚呼其亦幸而出於三代之後不見黜於禹湯
 末武周公孔子也其亦不幸而不出於三代之前
 不見正於禹湯文武周公孔子也帝之與王其號
 名_有殊其所以為聖一也夏葛而冬裘渴飲而
 飢食其事_雖殊其所以為智一也今其_作言
 曰曷不為太古之無事是亦責_之來者曰曷不

為葛之之易也責_飢之_而食者曰曷不為飲之
 之易也傳曰古之欲明明德於天下者先治其國
 欲治其國者先齊其家欲齊其家者先脩其身欲
 脩其身者先正其心欲正其心者先誠其意然則
 古之所謂正心而誠意者將以有為也今也欲治
 其心而外天下國家滅其天常子焉而不父其父
 臣焉而不君其君民焉而不事其事孔子之作春
 秋也諸侯用夷禮則夷之_而進於中國則中
 國之經曰夷狄之有君不如諸夏之亡_{詩曰戎狄}
 是膺_荆舒是懲_{今也舉夷狄之法而加之先王之}

教之上幾何其不胥而為夷也夫所謂先王之教者何也博愛之謂仁行而宜之之謂義由是而之焉之謂道足乎已無待於外之謂德其文作書詩書易春秋其法禮樂刑政其民士農工賈其位君臣父子師友賓主昆弟夫婦其服麻絲其居宮室其食粟米果蔬作魚肉其為道易明而無其無字為教易行也是故以之為已則順而祥以之為人則愛而公以之為心則和而平以之為天下國家無所處而不當是故生則得其情死則盡其常郊焉而天神假廟焉而人鬼饗曰斯道也無

也何道也曰斯吾所謂道也非向所謂老與佛之道也堯以是傳之舜舜以是傳之禹禹以是傳之湯湯以是傳之文武周公傳之孔子孔子傳之孟軻軻之死不得其傳焉苟與揚也擇焉而不精語焉而不詳由周公而上而為君故其事行由周公而下而為臣故其說長然則如之何而可也曰不塞不流不止不行人其人火其書廬其居明先王之道以道之鰥寡孤獨廢疾者有養也其亦庶乎其可也以上理學

原教

宋王安石

善教者藏其用民化上而不知所以教之之源不
 善教者反此民知所以教之之源而不誠化上之
 意善教者之為教也致吾義忠而天下之君臣義
 且忠矣致吾孝慈而天下之父子女孝且慈矣致吾
 恩於兄弟而天下之兄弟相為恩矣致吾禮於夫
 婦而天下之夫婦相為禮矣天下之君君臣臣父
 父子子兄弟兄弟夫婦夫婦皆吾教也民則曰我
 何賴於彼哉此謂化上而不知所以教之之源也
 不善教者之為教也不此之務而暴為之制煩為
 之防劬劬於法令誥戒之間藏於府憲於市屬民

於鄙野必曰臣而臣君而君子而子父而父兄弟
 者無失其為兄弟也夫婦者無失其為夫婦也率
 是也有賞不然則罪鄉閭之師族鄰之長疎者時
 讀密者日告若是其悉矣顧人有服教而附于刑
 者於是嘉石以慙之園土以苦之甚者棄之於市
 朝放之於裔末卒不可以已也此謂民知所以教
 之之源而不誠化上之意也善教者決於民心而
 耳自無聞焉以道擾馴民者也不善教者施於民
 之耳自而求決于心以道強民者也擾之為言猶
 山數之擾毛羽川澤之擾鱗介也豈有制哉自然

然耳強之為言其猶困毛羽沼鱗介乎一失其制
脫然逝矣噫古之所以為古無異焉由前而已矣
今之所以不為古無異焉由後而已矣或曰法令
誥戒不足以為教乎曰法令誥戒文也吾云爾者
本也失其本而求之文吾不知其可也

法原

宋李清臣

法者何也聖人所以齊天下之動至公大定之制
也其原出於道德禮義而其用散於號令賞罰凡
有天下之君未嘗有無法而久者也昏世嘗有無
法之君矣柰何乎人之多欲而趨亂也如歸市人

之多欲而無法以齊之故有瞽者攘有足者馳勇
者苦怯者而奪其資智者給愚者而兼其聲色耳
目之奉紛紛籍籍其去禽獸者間不容一毫故聖
人為之法使天下強弱小大貴賤遠近莫敢不一
於法焉由法者安不由法者危由法者得其所欲
而生不由法者失其所欲而死如是故法立法立
而天下之心定天下之心定而治道畢矣法為貴
君位次之法壞則民亡民亡則君如之何其尊且
安也故人主尊法懼法之不立也故以身先之懼
天下之慢法而法壞也故一舉事而不敢忘法賞

罰以法號令以法取予以法廢置以法殺生以法
動靜以法視法如神物而不敢侮如天墜地設不
敢輒破壞改易也不以一事小害而損法不以一
時苟利而增法使天下無有不由法而自為者故
智者不得越法而謀辨者不得越法而議士不得
背法而有名臣不得背法而有功我喜可抑我忿
可窒而法不可離骨肉可刑親愛可滅而法不可
屈也故雖成王之叔不得流言而亂政高祖之父
不得屈君臣之儀文帝元帝之子不得越王門絕
馳道光武之姊不得保臧獲奸使吏民愛若孝主

嬖若韓彭功若陳湯馮奉世義若郭解不免於有
司之議而天下不敢私恐其開亂法之原而後爭
以為比也故明王之法左者不為右右者不為左
上不奪下轍下不侵上事為廷尉者不以才有餘
而道禮樂為太常者不以官優寡事而言刑法士
者不為工商賈人不為士也今失人匠之起巨室
彈畫一定木之曲直小大長短必皆就吾繩墨規
矩焉其參差不齊齟齬不合則斤削燎括而已矣
若毀吾彈畫而從木之情則工勞而事拙紛擾而
不可理矣故聖王立法賢主守法立法者使法必

出於道德禮義而後布之天下以為法守法者使
 賞罰號令必出於法而後以為賞罰號令法不出
 於道德禮義者弊法也弊法者非法非法者未又
 而還賞罰號令不出於法者弊政也弊政者非政
 非政者法壞而天下不從故法一則威法一則疑
 法固則君尊法搖則君削法行則要而治多法不
 行則煩漫而無功今夫一人之寡居深戶之中傳
 盈尺之紙而風驅霆行殺生廢置人於千里之外
 提癘夫羸老僅勝衣冠之人付之寸印而坐諸帷
 幄進退萬夫若羊豷然童子據奧室羣湖海之珍

恠處女嬰珠玉而立乎衢塗焉獲戾自而不敢動
 以法在也故天下視法如藩籬守法如疆界強者
 以攣縮弱者以安全至哉法乎人君之衛天下所
 恃而生也闇主則不然不能以法制勝私欲不知
 已亦待法而後安故從欲而慢法其意若曰法者
 我之所自出也何有於法哉曠乎所愛則無勞而
 封爵有罪而不誅或利害僅如毛芥而輒變大法
 名分不立百戰相侵日革月易人不知所循下皆
 知法之易撓而可踰也則險庸譎詭者舞其私意
 以動法倖諛便僻者倚上之恩以貸法悍暴傑健

者奮其亂力以干法如是故法亡法亡而民亡民
亡而國亡矣如籬籬然滅獲者超履穿穴而主人
弗禁安能使盜之不窺而保其室中之所有也如
封界障隄然其羊童牛牧已嘗有蹊之徑之迹
矣安能制衆人之不來而全其果蔬稼穡也或曰
法之說無乃膠固滯事而失於圓通利物之道歟
曰不然法者天下之公也千世之守也大道也通
者人臣之私也一時之偷便也短術也法同而治
異者吏不能舉法也吏之罪也法不可輕立亦不
可屢變也立法之主必若禹湯文武漢祖唐宗者

也議法之臣必若臯陶伊尹周召蕭張房杜者也
鬼錯且尚弗克况庸人乎臣竊觀今之世朝廷或
弛祖宗之法羣下或慢朝廷之法大臣或率習臆
而輕法庸士或作衆辯而侮法爲牧伯者或擊斷
於法外以爲能臣恐綱紀制度緣是亂法緣是而
亡故作法原

勢原

宋李清臣

君之所以安危國之所以存亡治亂令之所以行
不行勢也不善知勢不能爲創業之君不知勢之
可畏而失其所以審度將順不可以爲持成之君

經治之臣故善用國者勢而已矣理勢循則行忤則變動則險止則平輕能重緩能速故物有至小而力不可勝既事有至易而功不可勝原發如毫芒針端而巨若立卓本在拱把而遠際窮髮者勢也如戶之運也如車之馳也如弓之圓也如矢之激也如衡以一權而舉數倍之重也水之注於卑澤也原火之燎於風中也兵之奮寡而走衆也人之乘高而制下也勢也豈唯萬物為然今夫一人而勝天下之大制天下之衆兼聽天下之廣沛焉有餘非勢而何如也故明者用勢闇者用於勢明

者提至要之處持其關紐制其樞機動靜在我開闔在我弛張在我一教一令一賞一罰必輔之以形勢故教之而行者易令之而從者速賞之而千萬人勸罰之而千萬人懼仁少而悅者多義近而服者遠無他理勢為之也教令賞罰仁義而無形勢之輔必且人人而治之矣人人而治之教之行也必艱令之出也必煩天下之善有餘而賞不足天下之惡有餘而罰不足天下之民無窮而仁義不足無他理勢不先也夫千世之君可備措而數之矣或善或惡或仁或義其間差不能銖寸而功

名朝相倍蓰禍福朝相百萬者無他形勢之異使
然也成湯祝獸網而歸者三十六國文王葬枯骨
而天下三分有其二千世之君德有大於此者矣
而湯文用此收天下之助其從民情而集天下之
勢也方形勢之在桀紂夏臺之囚姜里之獄如拘
匹夫及善惡之暴也形勢之變而遷也如林之師
而莫敢射車中之木主故天下之勢安則動難動
則安難當其安也垂紳端委深拱於堂奧戶牖之
內而高論治古之上尊明如天日閑隱如震霆照
照如雨露肅肅如風霜指顧叱咤而天下莫不趨

三晉曰夫者四三

二五三

走鞭答海外之蠻夷若制童妾雖有劉項之魁雄
曹馬之姦桀必且老死民籍而不敢唱及乎昏懦
為之也席先王之位傳先王之民朝有遺臣故老
事有綱自軌度先王之澤未涸天下之勢未運自
視其安也以為無有危事也任一喜怒從一嗜慾
矣而患未切已也以為可為而無傷也習知天下
之尊服已也以為入終莫蹙路馬之芻觸囿兔之
之毛也歛頓關紐嬉弄樞機動靜不以時開闔不
以法張弛不以節淫樂在官中而怨毒滿天下略
易在一朝而禍患遺千百民心之他屬也君柄之

文禮月詳卷百三

原

二五四

旁落也勢之翻然而離也雖欲安之不可能也竊
譬之山之高厚也萬夫之不能墮壞也朽壞生乎
中歸右震乎上及其傾也人力不能支柱而維持
也非天事也勢也故前聖創業起今之利變昔之
害所以治天下之具甚備憂天下之慮之深綴民
心而久天下之勢堅完固密為不可拔及其久未
嘗無罅缺敗漏也然而其剝也亦有漸矣在後聖
時節其勢而繕之耳汰則約之危則平之擾則靜
之微則養之弱則扶之急則縱之緩則持之塞則
導之使萬事之理百物之節皆不至於窮極而大

變則勢久而長無危亡之形矣故勢之在我也我
蓄積之固執之審則發弗便則居故勢為我使而
天下莫能逆也若一失其要則橫肆奔悼於外不
可復之雖有天下一旦驅擠排壓而仆矣臣故曰
如戶之運也如車之馳也如弓之圓也如矢之激
也如一權而舉數倍之重也如水之注於卑澤也
如原火之燎於風中也如兵之奮寡而走衆也如
人之乘高而制下也其動不可不謹也人主之勢
則處治如將亂處存如將亡處安如將危而亂與
危亡亦且不至臣故作勢原

政以上

原毀毀原

唐韓愈

古之君子其責已也重以周其待人也輕以約重
 以周故不怠輕以約故人樂為善聞古之人有舜
 者其為人也仁義人也求其所以為舜者責於已
 曰彼人也予人也彼能是而我乃不能是早作
 蚤夜以思去其不如舜者就其如舜者聞古之人
 有周公者其為人也多才與藝人也求其所以為
 周公者責於已曰彼人也予人也彼能是而我乃
 不能是早夜以思去其不如周公者就其如周公
 者舜大聖人也後世無及焉周公大聖人也後世

無及焉是人也乃曰不如舜不如周公吾之病也
 是不亦責於身一作者重以周乎其於人也曰彼
 人也能有是是足為良人矣能善是是足為藝人
 矣取其上不責其一即其新不究其舊恐恐然惟
 懼其人之不得為善之利一善易裕也一藝易能
 也其於人也乃曰能有是是亦足矣能善是是亦
 足矣是字有不待於人者輕以約乎今之君子則
 不然然無則不其責人也詳其待已也廉詳故入
 難於為善廉故自取也少已未有善曰我善是是
 亦足矣已未有能曰我能是是亦足矣外以欺於

人內以欺於心味以有得而止矣不亦待其身作
 於者已廉乎其於人也曰彼雖能是其人不足稱作
 也彼雖善是其用不足稱也舉其一不計其十究
 其舊不圖其新恐恐然惟懼其人之有聞也是不
 亦責於人者已詳乎夫是之作如是謂不以衆
 人待其身而以聖人望於人吾未見其尊已也雖
 然為是者有本有看字原忌與忌之謂也忌者不
 能脩而忌者畏久脩吾常試之矣嘗試語於衆曰
 某良士某良士其應者必其人之與也不然則其
 所踈遠不與同其利者也不然則其畏也不若是

強者必怒於言懦者必怒於色矣又嘗語於衆曰
 某非良士某非良士其不應者必其人之與也不
 然則其所踈遠不與同其利者也不然則其畏也
 不若是強者必說悅通於言懦者必說於色矣是
 故事脩而謗興德高而毀來嗚呼士之處此世而
 望名譽之光道德之行難也一作將有作
 於上者得吾說而存之其國家可幾而理歟一作
 譽右毀

按劉勰云議者宜也周爰諮謀以審事宜也周

書曰議事以制政乃不迷此之謂也昔管仲稱
 軒轅有明臺之議則議之來遠矣至漢始立駁
 議駁者雜也雜議不純故曰駁也蓋古者國有
 大事必集羣臣而廷議之交口往復務盡其情
 若罷鹽鐵擊匈奴之類是已厥後下公卿議乃
 始撰詞書之簡牘以進而學生偶有所見又復
 私議於家或商於今或訂古由是議寔盛焉然其
 大要在於據經析理審時度勢文以辯察為能
 不以繁縟為巧事以明覈為美不以深隱為奇
 乃為深達議體者爾是編以文章為主故曰議

之詞不錄而僅錄操筆為議者分為秦議私議
 二體以垂式焉若夫溯流而窮源則學者自當
 求諸史書而熟玩之也此外又有謚議則別為
 一類云

秦議

貓鼠議

唐崔祐甫

右今月日中使其宣進止以籠盛貓鼠示百寮臣
 聞天生萬物剛柔有性聖人因之垂範作則禮記
 郊特牲篇曰迎貓為其食田鼠也然則貓之食鼠
 載在禮經以其除害利人雖微必錄今此貓對鼠

不食仁則仁矣無乃失於性乎鼠之為物晝伏夜動詩人賦之曰相鼠有體人而無禮又曰碩鼠碩鼠無食我黍其序曰貪而畏人若大鼠也臣旋觀之雖云動物異於麋鹿麋鹿音均兔彼皆以時殺獲為國之用此鼠有害亦何愛而曲全之貓受入養育職既不脩亦何異於法吏不勤觸邪疆吏不勤拜敵又按禮部式具列三瑞無貓不食鼠之目以茲稱慶臣所采詳伏以國家化洽洽乎天符荐至紛綸雜沓史不絕書今茲貓鼠不可濫廁若以劉尚五行傳論之恐須申命憲司察聽貪吏誠諸邊

候無失徼巡貓能致功鼠不為害右災異

毀廟議

漢劉歆

哀帝即位丞相孔光大司空何武奏言元帝永光五年制書高皇帝為漢太祖孝文皇帝為太宗建昭五年制書孝武皇帝為世宗損益之禮不敢有異臣愚以為迭毀之次當以時定臣請與羣臣雜議奏可於是光祿勳彭宣詹事滿昌博士左咸等五十三人皆以為繼祖宗以下五廟而迭毀後雖有賢君猶不得與祖宗並列子孫雖欲褒大頭揚而立之鬼神不饗也孝武皇帝雖有功德親盡宜毀於是太僕王舜中墨校尉劉歆上此議

臣聞周室既衰四夷並侵獫狁最彊於今匈奴是也至宣王而伐之詩人美而頌之曰薄伐獫狁至

於太原又曰嗶嗶他丹反推推他回反如霆如雷
 顯允方叔征伐獫狁荆蠻來威故稱中興以上言宣王之
 功及至幽王犬戎來伐殺幽王取宗器自是之後
 南夷與北夷交侵中國不絕如綫春秋紀齊桓
 南伐楚北伐山戎孔子曰微管仲吾其被髮左衽
 矣是故弃桓之過而錄其功以為伯首以上言桓
 及漢興冒頓始疆破東胡禽月氏讀曰并其土地
 地廣兵彊為中國害南越尉佗總百粵自稱帝故
 中國雖平猶有四夷之患且無寧歲一方有急三
 面救之是天下皆動而被其害也以上言漢世孝

大皇帝厚以貨賂與結和親猶侵暴無已甚者興
 師十餘萬眾近屯京師及四邊歲發屯備虜其為
 患久矣非一世之漸也諸侯郡守連匈奴及百粵
 以為逆者非一人也匈奴所殺郡守都尉略取人
 民不可勝數以上但借文帝和親之功孝武帝愍中
 國罷勞無安寧之時乃遣大將軍驃騎伏波樓船
 之屬南滅百粵起七郡北攘匈奴降昆邪十萬之
 眾置五屬國起朔方以奪其肥饒之地東伐朝鮮
 起玄菟樂浪以斷匈奴之左臂西伐大宛并三十
 六國結烏孫起敦煌酒泉張掖以隔同婁而遮反

文獻通考卷四十一

入諫

二十九

羌裂匈奴之右肩，單于孤特，遠遁于幕北，四垂無事。也開地遠也廣境起十餘郡，功業既定，迺封丞相，為富民侯，以大安天下，富實百姓，其規撫同模可見。又招集天下賢俊，與協心同謀，興制度，改正朔，易服色，立天地之祠，建封禪，殊官號，存周後，定諸侯之制，永無逆爭之心。至今累世賴之，單于守藩，百蠻服從，萬世之基也。中興之功，未有高焉者也。以上叙武帝之功高帝建大業，為太祖，孝文皇帝德至厚也。為文、太宗、孝武皇帝，功至著也。為武、世宗，此孝宣皇帝，所以發德音也。此上舉國家舊典禮制禮記王制

及春秋穀梁傳：天子七廟，諸侯五，大夫三，士二，天子七日而殯，七月而葬，諸侯五日而殯，五月而葬。此喪事尊卑之序也。與廟數相應，其文曰：天子三昭三穆，與太祖之廟而七；諸侯二昭二穆，與太祖之廟而五。故德厚者流光，德薄者流卑。此二句言天子諸侯所立之廟數春秋左氏傳曰：名位不同，禮亦異數。自上以下，降殺以兩，禮也。以上言廟七者其王法數可常數者也宗不在此數中，宗變也。苟有功德，則宗之不可預為設數。故於殷，大甲為太宗，太戊曰中宗，武丁曰高宗，周公為毋逸之戒，舉殷三宗以勸成。

禮記卷之四十一

三十一

主引周殷有宗之言以繇是言之宗無數也然則所以
 勸帝者之功德博矣此言制宗之意以七廟言之
 孝武皇帝未宜毀武帝至哀以所宗言之則不可
 謂無功德總承上禮記祀典曰夫聖王之制祀也
 功施於民則祀之以勞定國則祀之能救大災則
 祀之竊觀孝武皇帝功德皆兼而有焉凡在於異
 姓猶將特祀之况于先祖生一上又或說天子五廟
 無見文又說中宗高宗者宗其道而毀其廟此舉
 辨之說而名與實異非尊德貴功之意也詩云蔽芾
 甘棠勿剪勿伐召伯所爰思其人猶愛其樹

况宗其道而毀其廟乎迭毀之禮自有常法無殊
 功異德固以親疎相推及此辨後說之非言迭
 例至祖宗之序多少之數經傳無明文至尊至重
 難以疑文虛說定也孝宣皇帝舉公卿之議用眾
 儒之謀既以為世宗之廟建之萬世宣布天下此
 前說雖難妄辨然既有舊典自當從之臣愚以為孝武皇帝功烈如
 彼孝宣皇帝崇立之如此不宜毀帝覽其議而從
 考觀諸儒之議劉歆博而篤矣

禘祫洽音議 唐韓愈

右今月十六日時德宗貞元十八年勅旨宜令百僚議限五

日內聞奏者將仕郎守國子監四門博士臣韓愈
 謹獻議曰伏以陛下追孝祖宗肅敬祀事凡在作
 有擬疑議不敢自尊聿求厥中延訪羣下然而
 禮文繁漫所執各殊自建中德宗改元之初迄至今
 歲凡二十屢經禘祫未合適從臣生遭聖明涵泳
 恩澤雖賤不及議而志切效忠今輒先舉眾議之
 非然後申明其說一曰獻懿廟之作主宜永藏之
 夾室見貞元七年八月臣以為不可夫祫者合也毀
 廟之主皆當合食於太祖獻懿二祖即毀廟主也
 今雖藏於夾室至禘祫之時豈得不食於太廟乎

名曰合祭而二祖不得祭焉不可謂之合矣二曰
 獻懿廟主宜毀之疑當作而無廢之見李燦臣
 又以為不可謹按禮記天子立七廟一壇一墀封
 為壇除其毀廟之主皆藏於桃廟雖百世不毀祫
 則陳於大廟而饗焉自魏晉已降始有毀廢之議
 事非經據竟不可施行今國家德厚流光創立九
 廟玄宗開元十年六月以周制推之獻懿二祖猶在
 壇墀之位况於毀廢而不禘祫乎三曰獻懿廟主
 宜各遷於其陵所裴擲臣又以為不可二祖之
 祭於京師列於太廟也二百年矣今一朝遷之豈

唯人聽疑惑抑恐二祖之靈眷顧依違不即饗於
下國也四曰獻懿廟主宜附於興聖廟而不禘祫
考功員外郎陳諒同臣又以為不可傳曰祭如在
景皇帝雖為字有太祖其於其屬乃獻懿之子無
字孫也今欲正其子東向之位廢其父之大祭固
不可為典矣五曰獻懿二祖宜別立廟於京師吏部
侍郎柳冕等臣又以為不可夫禮有所降情有
殺是故去廟為桃去壇為壇去壇為壇去壇為鬼
漸而之遠其祭益稀昔者魯立煬宮春秋非之以
為不當取已毀之廟既藏之主而復築宮以祭今

之所議與此正同又雖違禮立廟至於禘祫也合
食則禘無其所若別廟則不當禘於太廟也廢祭
則於義作禮經不通故臣博采前聞求其折中以
為殷祖玄王契周祖后稷太祖之上皆自為帝又
其代數已遠不復祭之故太祖得正東向之位子
孫從昭穆之列禮所稱者蓋以巨作紀一時之宜
非傳於於字後代之法也傳傳曰子雖齊聖不先
父食蓋言子為父屈也景皇帝雖太祖也其於獻
懿則子孫也當禘祫之時獻祖宜居東向之位景
皇帝宜從昭穆之列祖以孫尊孫以祖屈求之神

禮記卷之三十一

三十一

道豈遠人情又常祭甚衆合祭甚寡則是大祖所
屈之祭至少所伸之祭至多比於伸孫之尊廢祖
之祭不亦順乎事異殷周禮從而變非所疑乎
禮也臣伏以制禮作樂者天子之職也陛下以臣
議為有可采粗合天心斷而行之是則為禮如
以為猶或可疑乞召臣對面陳得失庶有發明謹
議朱熹曰按公本意獻祖為始祖其生當居初
室而太祖以次列於諸室四時之享則唯獻
祖不與而獻祖太祖以下各祭於其室室則
不相降厭所謂所伸之祭常多者也掃捨則
祖居東向之位而懿祖太祖以下皆序昭穆
相向於前所謂祖而懿祖太祖以下皆序昭
常少侍者也蓋公禮學精深諸儒所不及故其
所議

獨深得夫孝子慈孫報本反始不忘其所由生之
本意真可為萬世之通法不但可施於一時也
廟祀

改鑄大錢議

漢劉陶

聖王承天制物與人行止建功則眾悅其事與我
而師樂其旅是故靈臺有子來之人武旅之周武王
有鳧藻言喜悅也之士皆舉合時宜動順久道也
臣伏讀鑄錢之詔平輕重之議訪覃幽微不遺窮
賤是以藿食之人謬延逮及蓋以為當今之憂不
在於貨在乎民飢天生養之道先食後民當作是

漢書時有上書言人以貨輕
錢薄故致貧困宜改鑄大錢

以先王觀象育物故授民時使男不逋畝女不下
機故君臣之道行正路之教通由是言之食者乃
有國之所寶生民之至貴也竊見比年以來良苗
盡於蝗螟之口杼柚空於公私之求所急朝夕之
餐所患靡糶曰鹽之事豈謂錢貨之厚薄銖兩之
輕重哉就使當今沙礫化為南金瓦石變為和玉
之下使百姓渴無所飲饑無所食雖皇義之純德
唐虞之文明猶不能以保蕭牆之內也蓋民可百
年無貨不可一朝有饑故食為至急也議者不達
農殖之本多言鑄治之便或欲因緣行詐以買國

文獻通考卷四十五

入議

三十五

利國利將盡取者爭競造鑄之端於是乎生蓋萬
人鑄之一人奪之猶不能給况今一人鑄之則萬
人奪之乎雖以陰陽為炭萬物為銅役不食之民
使不饑之士猶不能足無厭之求也夫欲民殷財
阜要在止役禁奪則百姓不勞而足陛下聖德愍
海內之憂戚傷天下之艱難欲鑄錢齊貨以救其
弊此猶養魚沸鼎之中棲鳥烈火之上冰木本魚
鳥之所生也用之不時必至焦爛願陛下寬鍥薄
之禁後治鑄之議聽民庶之謠吟問路叟之所憂
歟三光之文耀視山河之分流天下之心國家大

文獻通考卷四十五

入議

三十五

事粲然皆見無有遺憾者矣臣嘗誦詩至於鴻鴈
于野之勞哀勤百堵之事每喟爾長懷中篇而嘆
近聽征夫飢勞之聲其於斯歎是以追悟匹婦吟
魯之憂始於此乎見白駒之意屏營傍徨不能監
寐伏念當今地廣而不得耕民衆而無所食羣小
並進秉國之位鷹揚天下鳥鈇求飽吞肌及骨並
噬無厭誠恐卒有役夫窮匠起於版築之間投斤
攘臂登高遠呼使愁怨之民嚮應雲合八方分崩
中夏魚潰雖方尺之錢何能有救其危猶舉函牛
之鼎絀織枯之末詩人所以眷然顧之潛焉然作

出涕者也臣東野狂闇不達大義緣廣及之蛙對
過所問知必以身脂鼎鑊為天下笑帝竟不鑄錢

受伊邪莫演降議 漢谷永

漢帝河平元年單于遣右鼻林王伊邪莫
演等奉獻朝正月伊邪莫演言欲降即不
歸使者我自彼終不敢還

漢興匈奴數為邊害故設金爵之賞以待降者
昔時所以有金單于詘體稱臣列為北藩遣使朝
賀無有二心漢家接之宜異於往時今既享單于
聘貢之質誠而更受其逋逃之臣是貪一夫之得
而失一國之心擁罪之臣而絕慕義之君也

言今不當假令單于初立此以下設策以欲委
 身中國未知利害私使伊邪莫演詐降以上吉凶
 受之虧德沮善令單于自疏不親邊吏此一或者
 設為反間欲因而生隙受之適合其策使得歸曲
 而直責謂歸曲於漢而直責此誠邊竟境讀曰安危
 之原師旅動靜之首不可不詳也不如勿受以昭
 日月之信抑詐諉詐辭之謀懷附親之心使時求
 欽議同議奏天子從之遣問降狀伊邪莫演曰我
 疾狂妄言耳遣去歸到官位如故愚按如此則此
 舉出於單于之謀信矣谷
 之議可謂策無遺策者歟

鮮卑議漢書本集

漢蔡邕

靈帝熹平六年護烏桓校尉夏育上言鮮
 卑犯邊自春以來三十餘發請徵幽州諸
 郡兵出塞擊之朝廷未許先是護羌校尉
 甲是坐事論刑被原欲立功自效乃請中
 常侍王甫求得為將甫因此建議出師時
 大臣多有不同乃召百官會議議郎蔡邕
 曰議

書戒猶夏湯伐鬼方周有獫狁蠻荆之師漢有闡
 顏瀚海之事征討殊類所由尚矣然而時有同異
 執有可否故謀有得失事有成敗不可齊也武帝
 情存遠略志闢四方南誅百越北討強胡西伐大
 宛東并朝鮮因文景之蓄藉天下之饒數十年間
 官民俱匱乃興鹽鐵酒榷之利設告緡重稅之令

民不堪命起為盜賊關東紛擾道路不通繡衣直指之使奮鈇鉞而並出既而覺悟乃息兵罷役封丞相車千為富人侯故主父偃曰夫務戰勝窮武事味有不悔者也夫以世宗帝即武神武將帥良猛財賦充實所拓廣遠猶有悔焉况今人財並乏事劣晉時乎其不可一也自匈奴遁逃鮮卑強盛據其故地稱兵十萬才力勁健意智益生加以關塞不嚴禁網多漏精金良鐵皆為賊有漢人逋逃為之謀主兵利馬疾過於匈奴昔段熲良將習兵善戰有事西羌猶十餘年今育晏才策未必過類鮮

卑種眾不弱于曩時而虛計二載自許有成若禍結兵連豈得中休當復徵發眾人轉運無已為耗竭諸夏并力蠻夷天邊垂同之患手足之蚡疥搔中國之困曾背之瘰疰疰也其不可二也左今郡縣盜賊尚不能禁况此醜虜而可伏乎昔高祖忍乎城之取呂后弃慢書之詬也方之於今何者為甚其不可三也天設山河秦築長城漢起塞垣所以別內外異殊俗也苟無蹙國內侮之患則可矣豈與蟲螿同蟻校寇許爭往來哉雖或破之豈可殄盡而方今當作本朝為之肝也食乎其不可

四也夫專勝者未必克挾疑者未必敢衆所謂危
 聖人不任朝議有嫌明主不行其不可五也昔淮
 南王安諫伐越曰天子之兵有征無戰言其莫敢
 校也如使越人蒙死以逆執事斯與做衆之卒有
 一不備而歸者雖得越主之首而猶為大漢羞之
 而欲以齊民易醜虜臯威辱外夷就如其言猶已
 危矣况乎得失不可量邪昔珠崖郡反孝元皇帝
 納賈捐之言而下詔曰珠崖背畔今議者或曰可
 討或曰棄之朕日夜惟思羞威不行則欲誅之通
 于時變復憂萬民夫萬民之飢與遠蠻之不討何

者為大宗廟之祭凶年猶有之備况避不嫌之厚
 哉今關東大困無以相贍文當動兵非但勞民而
 已其罷珠崖郡此元帝所以發德音也夫恤民救
 急雖成郡列縣尚猶棄之况障塞之外未嘗為民
 居者乎守邊之術李牧善其略保塞之論嚴尤申
 其要遺業猶在文章具存循二子之策守先帝之
 規臣曰可矣臣帝不從師竟無功愚以上夷狄驚議不足采臣帝頓首頓首

復讎議并狀

唐韓愈

憲宗元和六年九月富平人梁悅為父報
 仇殺人自投縣請罪劫復仇殺父固看

典以其申冤請罪視死如歸自請公門發於天性志在狗節本無求生寧死不經特從減死於

右伏奉觀一作今月五日勅復讎據禮經則義不同

天徵法令則殺人者死禮法二事皆王教之天字

端有此異同必資論辨宜令都省集議聞奏者朝

議郎行尚書職方員外郎上騎都尉韓愈議曰

伏以子復父讎見於春秋公羊傳見於禮記檀弓又

見周官調人又見諸子史不可勝數未有非而罪之

者也最宜詳於律而律無有字其條非闕文也蓋

以為不許復讎則傷孝子之心而無字乖先王之

訓許復讎則人將倚法專殺無以禁止其端矣夫

律雖本於聖人然執而行之者有司也經之所明

者制有司者也丁寧其義於經而深汲其文於律

者其意將使法吏一斷於法而經術之士得引經

而議也周官曰凡殺人而義者令勿讎讎之則死

義宜也明殺人而不得其宜者子得復讎也此百

姓之相讎者也公羊傳曰父不受誅子復讎可也

不受誅者罪不當誅也誅者上施於下之辭非百

姓之相殺者者字無也又周官曰凡報仇讎者書於

士殺之無罪言將復讎必先言於官則無罪也今

陛下垂意典章思立定制惜有司之守憐孝子之心示不敢專訪議羣下臣愚以為復讎之名雖同而其事各異或百姓相讎如周官所稱可議於今者或為官吏字有所誅如公羊所稱不可行於今者又周官所稱將復讎先告於士則無罪者若孤稚羸弱抱微志而伺敵人之便恐不能自言於官未可以為斷於今也然則殺之與赦不可一例宜定其制曰凡有復讎者事發具其事申申字由下當有由字但下字尚書省集議奏聞酌其宜而處之則經律無失其指矣謹議
宋朱熹曰按新史自太宗

時至是復讎者凡七人原之者三不原者四深悅其也大抵殺人者死有國常典而貸死者出於一時之特赦公此議欲令凡事發具其事下尚書省集議酌宜而行禮刑兩不失矣
駁復讎議
唐柳宗元

臣伏見天后時有同州下邳人徐元慶者父爽為縣尉趙師韞所殺卒能手刃父讎束身歸罪當時諫臣陳子昂建議誅之而旌其閭且請編之於令求為國典臣竊獨過之臣聞禮之大本以防亂也若曰無為賊虐凡為子者殺無赦刑之大本亦以防亂也若曰無為賊虐凡為治理者殺無赦其本則合其用則異旌與誅莫得而並焉一作不誅得並也

其可旌茲謂濫黜刑甚矣旌其可誅茲謂僭壞禮甚矣果以是示于天下傳于後代趨義者不知所向違害者不知所立以是為典可乎蓋聖人之制窮理以定賞罰本情以正褒貶統於一而已矣嚮使刺讞其誠偽考正其曲直原始而求其端則刑禮之用判然離矣何者若元慶之父不陷於公罪師韞之誅獨以其私怨奮其吏氣虐于非辜州牧不知罪刑官不知問上下蒙冒顛號不聞而元慶能以戴天為大恥枕戈為得禮處心積慮以衝讎人之曾介然自克即死無憾是守禮而行義也執

事者宜有慙色將謝之不暇而又何誅焉其或元慶之父不免於罪師韞之誅不愆於法是非死於吏也是死於法也法其可讎乎讎天子之法而戕奉公之吏是悖驚而凌上也執而誅之所以正邦典而又何旌焉且其議曰人必有子子必有親親親相讎其亂誰救是惑於禮也甚矣禮之所謂讎者蓋以冤抑沈痛而號無告也非謂抵罪觸法陷于大戮而曰彼殺之我乃殺之不議曲直暴寡脅弱而已其非經昔聖不亦甚哉周禮調人掌司萬人之讎凡殺人而義者令勿讎讎之則死有反殺

者邦國交讎之又安得親親相讎也春秋公羊傳
曰父不受誅子復讎可也父受誅子復讎此推刃
之道復讎不除害今若取此以斷兩市相殺則合
於禮矣且夫不忘仇孝也不愛死義也元慶能不
越於禮服孝死義是必達理而聞道者也夫達理
聞道之人豈其以王法為敵仇者哉議者反以為
戮贖刑壞禮其不可以為典明矣請下臣議附于
令有斷斯獄者不宜以前議從事謹議刑法上
私議

晉文公問守原議

唐柳宗元

晉文公既受原於王難其守問寺人勃鞞以界趙
衰余謂守原政之大者也所以承天子樹霸功致
命諸侯不宜謀及媒近以忝王命而晉君擇大任
不公議於朝而私議於官不博謀於卿相而獨謀
於寺人雖或衰之賢足以守國之政不為敗而賊
賢失政之端由是滋矣况當其時不乏言議之臣
乎狐偃為謀臣先軫將中軍晉君疏而不咨外而
不求乃卒定於內豎其可以為法乎且晉君將襲
齊桓之業以翼天子乃大志也然而齊桓任管仲
以興進賢力以敗則獲原啓疆適其始政所以觀

示諸侯也而乃背其所以興跡其所以敗然而能
 霸諸侯者以土則大以力則強以義則天子之冊
 也誠畏之矣烏能得其心服哉其後景監得以相
 衛鞅引恭石顯得以殺望之蕭誤設一作之者晉文
 公也嗚呼得賢臣以守大邑則問非失舉也蓋失
 問也問舉非失舉然猶羞當時陷後代若此况於
 問與舉又兩失者其何以救之哉余故著晉君之
 罪以附春秋許世子止趙盾之義防其未流○宋
謝枋得曰此議
一字字經思此柳文得意者也

公族議

宋曾鞏

天子之適子繼世以為天子其別子皆為諸侯諸
 侯之適子繼世以為諸侯其別子各為其國之卿
 大夫皆有采地別子之適子繼世以食其采地其
 族人百世宗之此之謂大宗其別子亦各仕於其
 國為卿大夫其適子兄弟宗之五世而止此之謂
 小宗蓋天子之適子繼世以為天子其別子世為
 諸侯諸侯之適子繼世以為諸侯其別子各為其
 國之卿大夫世食采地皆傳於無窮夫豈有服盡
 而絕其祿位衣食嫁娶使之自謀者乎非特如此
 也昔周公兼制天下立七十一國姬姓居五十三

人蓋兄弟之國者十有五人姬姓之國者四十人
其可見者則管蔡邲霍魯衛毛聃卻雍曹滕畢原
豐郇邶晉應韓凡蔣邢茅胙祭之屬是也其稱兄
弟之國者十有五人則周之近屬其稱姬姓之國
者四十人則周之同姓而已其爵命之使傳國至
於無窮夫豈以服為斷乎至於宗廟之數天子七
諸侯五而祭法虞夏商周禘郊祖宗遠或至於數
十世之上亦皆未嘗以服為斷自其推而上之報
本於祖宗至不可為數推而下之廣骨肉之恩至
於無窮蓋其積厚者其流澤遠有天下之功者受

天下之報其理勢次序固然也是豈可以拘於常
見議於錙銖之內乎故服盡而戚單當作者所
節人之常情而為大宗小宗之數安可以論帝者
之功德而為廣親親之法乎昔武王克商未及下
軍而封黃帝唐虞之後下車而封夏商之後其在
異代尚特顯之其急如此况受重於祖宗推原功
德之所自出其可以天下之大而儉於骨肉之恩
以不滿足海內之望乎孟子曰仁人之於兄弟也
親愛之而已矣親之欲其貴也愛之欲其富也先
王推是心以及於同姓之間故有土分之有民分

禮記卷之三十一

四十一

之有寶玉分_テ之有寶器分_テ之成王康王之言曰吾
無_レ傳_テ享_テ文武之功是皆無_レ所不盡其厚未有從夫
略者也蓋詩裳裳者華刺時棄賢者之類絕功臣
之世而傳樂御齊原狐續慶伯陪臣之族爾其降
在皂隸叔向亦以為晉國之憂況於帝者之功德
與天地等而可使七八世之子孫夷於閭巷之凡
民乎後世公族無封國采地之制而有列於朝有
賜於府是亦親而貴之愛而富之之意也其名書
於宗籍者繁衍盛大實國家之慶有司雖費非多
於天下之國七十有_レ一而姬姓獨居者五十三人

也其亦求中以節之而已矣顧今祖免以外毋與
管衣食嫁娶使之自謀是亦不考於古矣何其野
於禮也以世莫能辨故作公族議使好學者得詳
焉

救災議

宋曾鞏

河北地震水災隳城郭壞廬舍百姓暴露乏食主
上憂憫下緩刑之令遣撫循之使恩甚厚也然百
姓患於暴露非錢不可以立屋廬患於乏食非粟
不可以飽二者不易之理也非得此二者雖主上
憂勞於上使者勞於下無以救其患塞其求也

有司建言請發倉廩與之粟壯者人日二升幼者人日一升主上不旋日而許之賜之可謂大矣然有司之所言特常行之法非審計終始見於衆人之所未見也今河北地震水災所毀敗者甚衆可謂非常之變也遭非常之變者亦必有非常之恩然後可以振之今百姓暴露之食已廢其業矣使之相率日待二升之廩於上則其勢必不暇乎他為是農不復得脩其畝商不復得治其貨賄工不復得利其器用間民不復得轉移執事一切棄百事而專意於待升合之食以偷為性命之計是

直以餓殍之養養之而已非深思遠慮為百姓長計也以中戶計之戶為十人壯者六人月當受粟三石六斗幼者四人月當受粟一石二斗率一戶月當受粟五石難可以久行也不久行則百姓何以贍其後久行之則被水之地既無秋成之望非至來歲麥熟賑之未可以罷自今至於來歲麥熟凡十月一戶當受粟五十石今被災者十餘州州以二萬戶計之中戶以上及非災害所被不仰食縣官者去其半則仰食縣官者為十萬戶食之不通則為施不均而民猶有無告者也食之通則當

用粟五百萬石而足何以辨此又非深思遠慮為
 公家長計也至於給授之際有淹速有均否有真
 偽有會集之擾有辨察之煩厝置一差皆足致
 弊又羣而處之氣久蒸薄必生疾癘此皆必至之
 害也且此不過能使之得旦暮之食耳其於屋廬
 構築之費將安取哉屋廬構築之費既無所取而
 就食於州縣必相率而去其故居雖有頽垣壞屋
 之尚可完者故材舊瓦之尚可因者什器衆物之
 尚可賴者必棄之而不暇顧甚則殺牛馬而去者
 有之伐桑棗而去者有之其害又可謂甚也今秋

氣已半霜露方始而民露處不知所蔽蓋流亡者
 亦已衆矣如是不可止則將空近塞之地空近塞
 之地失戰鬪之民此衆士大夫之所慮而不可謂
 無患者也空近塞之地失耕桑之民此衆士大夫
 所未慮而患之尤甚者也何則失戰鬪之民異時
 有警邊戍不可以不增爾失耕桑之民異時無事
 邊糴不可以不費矣二者皆可不深念歟萬一或
 出於無俚賴之計有窺倉庫盜一囊之粟一束之
 帛者彼知已負有司之禁則必為鼠竄竊弄鋤
 於草茅之中以扞游徼之吏強者既黜而動則

弱者必隨而聚矣不幸或連一二城之地有枹鼓
之警國家胡能晏然而已乎况今外有夷狄之可
慮內有郊祀之將行安得不防之於未然銷之於
未萌也然則為今之策下方紙之詔賜之以錢五
十萬貫貸之以粟一百萬石而事足矣何則今被
災之州為十萬戶如一戶得粟十石得錢五千下
戶常產之貨平日未有及此者也彼得錢以完其
居得粟以給其食則農得脩其畝畝商得治其貨
賄工得利其器用閒民得轉移執事一切得復其
業而不失其常生之計與重民意以待二分之廩於

上而勢不暇乎他為豈不遠哉此可謂深思遠慮
為百姓長計者也由有司之說則用十月之費為
粟五百萬石申今之說則用兩月之費為粟一百
萬石况貸之於今而收之於後足以賑其艱乏而
終無損於儲備之實所實費者錢五鉅萬貫而已
此可謂深思遠慮為公家長計者也又無給授之
弊疾癘之憂民不必去其故居苟有頽垣壞屋之
尚可完者故材舊瓦之尚可因者什器衆物之尚
可賴者皆得而不失况於全牛馬保桑棗其利又
可謂甚也雖寒氣方始而無暴露之患民安居足


食則有樂生自重之心各復其業則勢不暇乎他
為雖驅之不去誘之不為盜矣夫饑歲聚餓殍之
民而與之升合之食無益於救災補敗之數此常
行之弊法也今破去常行之弊法以錢與粟一舉
而賑之足以救其患復其業河北之民間詔今之
出必皆喜上之足賴而自安於畝畝之中負錢與
粟而歸與其父母妻子脫於流離死亡之禍則戴
上之施而懷欲報之心豈有已哉天下之民間國
家厝置如此恩澤之厚其孰不震動感激悅主上
之義於無窮乎如是而人和不可致天意不可悅

者未之有也人和洽於下天意悅於上天意悅於
上然後王輅徐動就陽而郊荒夷殊陬奉幣來享
疆內安輯里無驚聲豈不適變於可為之時消患
於無形之內乎此所謂審計終始見於衆人之所
味見也不蚤出此或至於一有枹鼓之警則雖欲
為之將不及矣或謂方今錢粟恐不足以辦此夫
王者之富藏之於民有餘則取不足則與此理之
不易者也故曰百姓足君孰與不足百姓不足君
孰與不足蓋百姓富實而國獨貧與百姓餓殍而上
獨能保其富者自古及今未之有也故又曰不慮

文獻通考卷四十一

貧而患不安此古今之至戒也是故古者二十七
 年耕有九年之蓄足以備水旱之災然後謂之王
 政之成唐水湯旱而民無捐瘠者以是故也今國
 家倉庫之積固不獨為公家之費而已凡以為民
 也雖倉無餘粟庫無餘財至於救災補敗尚不可
 以已况今倉庫之積尚可以用獨安可以過憂將
 來之不足而立視天民之死乎古人有言曰剪爪
 宜及膚割髮宜及體先王之於救災髮膚尚無所
 愛况外物乎且今河北州軍凡三十七災害所被
 十餘州軍而已他州之田秋稼足望今有司於糴

粟常價斗增三十錢非獨足以利農其於增糴一
 百萬石易矣斗增三十錢吾權一時之事有以為
 乏耳以實錢給其常價以茶苑香藥之類佐其虛
 估不過捐茶苑香藥之類為錢數鉅萬貫而其費
 已足茶苑香藥之類與百姓之命孰為可惜不待
 議而可知者也夫費錢五鉅萬貫又捐茶苑香藥
 之類為錢數鉅萬貫而足以救一時之患為天下
 之計利害輕重又非難明者也顧吾之有司能越
 拘攣之見破常行之法與否而已此時事之急也
 故述斯議焉



[Faint, mostly illegible handwritten text in vertical columns, likely bleed-through from the reverse side of the page.]

教字加朱句

